



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o pristupanju Projektu - Sportsko rekreativni tereni na otvorenom –
Olimpijski kompleks Zetra
(Prijedlog)

Predlagač: Gradonačelnica
Obrađivač: Služba za urbano planiranje,
investicije, stambene i komunalne poslove

Sarajevo, maj 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) i člana 18. stav (1) tačka g) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

Odluku
o pristupanju Projektu – Sportsko rekreativni tereni na otvorenom –
Olimpijski kompleks Zetra

Član 1.

(Predmet Odluke)

- (1) Ovom Odlukom Grad Sarajevo pristupa Projektu – Sportsko rekreativni tereni na otvorenom – Olimpijski kompleks Zetra (u daljnjem tekstu: Projekat).
- (2) Predmetna nekretnina se nalazi na parceli označenoj kao k.č. 1577, k.o. SARAJEVO VI novog premjera, što po starom premjeru odgovara k.č. 1577 k.o. SARAJEVO VI, u ulici Alipašina b.b., Općina Centar Sarajevo.

Član 2.

(Opredjeljenost)

Gradsko vijeće Grada Sarajeva izražava opredjeljenje da Grad Sarajevo bude nosilac Projekta i daje saglasnost i ovlaštenje gradonačelnici Grada Sarajeva i Pravobranilaštvu Grada Sarajeva da u okviru svojih nadležnosti, poduzimaju sve potrebne pravne, organizacijske, tehničke, administrativne i finansijske radnje i aktivnosti u cilju uspješne realizacije Projekta.

Član 3.

(Dužnosti)

Daje se ovlaštenje gradonačelnici Grada Sarajeva da sa KJP ZOI'84 OCS d.o.o., a u cilju realizacije Projekata, pripremi tekst sporazuma kojim će se precizirati nosilac realizacije Projekta, potrebna sredstva za ulaganje, rokovi izvođenja radova, način koordinacije aktivnosti, način primopredaje, kao i sva druga pitanja od značaja za realizaciju Projekta.

Član 4.

(Način finansiranja)

Grad Sarajevo će potrebna finansijska sredstva za realizaciju ovog Projekta obezbjediti u Budžetu Grada Sarajeva za 2023. godinu.

Član 5.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:

Datum:

OBRAZLOŽENJE

PRAVNI OSNOV

Pravni osnov za donošenje Odluke pristupanju Projektu – Sportsko rekreativni tereni na otvorenom – Olimpijski kompleks Zetra je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisana nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje.

Također, pravni osnov je sadržan u članu 18. stav (1) tačka k) Statuta Grada Sarajeva („Službene novine Kantona Sarajevo“, broj 7/23) koji definiše da Grad Sarajevo, između ostalog, može unaprjeđivati objekte za zadovoljavanje potreba stanovništva u oblasti kulture i sporta.

RAZLOZI DONOŠENJA

Odluka kojom Grad Sarajevo pristupa Projektu – Sportsko rekreativni tereni na otvorenom – Olimpijski kompleks Zetra predstavlja važan korak u unaprjeđenju sportske infrastrukture grada i omogućava građanima Sarajeva kvalitetne sportske i rekreativne aktivnosti na otvorenom prostoru.

Ovim projektom, Grad Sarajevo se opredjeljuje da bude nosilac projekta i preuzima odgovornost za uspješnu realizaciju. Daje se ovlaštenje gradonačelnici Grada Sarajeva i Pravobranilaštvu Grada Sarajeva da poduzmu sve potrebne radnje i aktivnosti u vezi sa zakonskim, organizacijskim, tehničkim, administrativnim i finansijskim aspektima projekta.

Sportsko-rekreativni tereni na otvorenom izgradit će se na lokaciji Olimpijskog kompleksa Zetra koja se nalazi u ulici Alipašina b.b., Općina Centar Sarajevo. Ovim projektom stvorit će se povoljni uslovi za građane Sarajeva da se bave sportskim aktivnostima na kvalitetno opremljenim terenima.

Finansiranje projekta bit će osigurano u Budžeta Grada Sarajeva za 2023. godinu. To znači da će Grad Sarajevo obezbijediti potrebna finansijska sredstva za uspješnu realizaciju projekta.

Izgradnja sportsko-rekreativnih terena na otvorenom ima višestruke koristi za grad i građane. Ova investicija doprinosi unaprjeđenju sportske infrastrukture grada, omogućava građanima da se bave sportskim aktivnostima u prirodi, promovira zdrav način života i rekreativne aktivnosti, te pruža dodatne mogućnosti za druženje i socijalizaciju građana.

FINANSIJSKA SREDSTVA

Za realizaciju ove odluke sredstva će biti obezbijedena u Budžetu Grada Sarajeva.